

蜀中邊防記
全書
四冊

地770.28
784
:1~4

蜀中廣記目錄

明閩中曹學佺能始撰



蜀中名勝記三十卷

蜀郡縣古今通釋四卷



蜀中風俗記四卷

蜀中人物記六卷

蜀中方物記十二卷

蜀中著作記十卷

蜀中神仙記十卷

蜀中高僧記十卷

蜀中廣記

目錄

一

蜀中詩話四卷

蜀中畫苑記四卷

蜀中宦游記四卷

蜀中邊防記十卷

蜀中邊防記卷之一

閩中曹學佺能始撰

川西一

松潘 漳臘 小河

松潘道開府松潘衛與副總兵官一員分城而居參將一員舊駐小河千戶所今移駐龍安城遊擊將軍一員駐紮漳臘堡守備都指揮一員駐紮平番堡其餘把守練兵官各有差○按後漢書建武九年司徒掾班彪上言舊制涼州部置護羌校尉持節領護理其怨結歲時巡行問所疾苦又數遣驛徒通導勸進使塞外羌夷為

蜀中邊防記

卷之一 川西一

一

吏耳目州郡因此可得儆備今松潘備兵即古護羌使者之職也○尋江源縣記云松州平康縣羊膊山下有二神湫乃大江始發之所自羊膊嶺散漫始未濫觴東南百餘里至白馬嶺回行二千餘里至龍固水障始於是也志曰江發源於臨洮之木塔山至山頂分東西流者即岷江也由草地甘松嶺八百里至漳臘其水漸大漳臘由鑛江灣達松潘於下水關入紅花屯達壘溪至穆肅保黑水從南合之入深溝經茂州南至於威汶轉銀嶺合草坡河至蠶岩入灌口分道而下由威至玉壘山為玉輪江至汶為皂江至灌為沫江○志又曰衛北

三舍有龍潭四歲涸澄其深莫測有領謂之小分水嶺
又有大分水嶺山高峻而水脈流在衛北二百里外○
四夷傳曰西羗之本出自三苗其先為伯夷甫炎帝之
裔帝母育於姜水而以姜為姓故諸羗亦姓姜其國始
近南岳及舜徙之三危今河關之西南羗地是也濱於
賜支至于河首縣地千里賜支者析支也王政修則臣
伏德教失則寇亂本無君長夏末及商周之際或從侯
伯征伐有功天子爵之以為藩服羗爰劔者秦厲公時
為秦所執以為奴隸羗人謂奴為無弋故號為無弋爰
劔後得亡歸將其種人南出賜支河其後子孫各自為

種或為羗牛種越鳥羗是也或為白馬種廣漢羗是也
或為參狼種武都羗是也至爰劔曾孫忍及弟舞獨留
湟中忍生子研故羗中號其後為研種漢景帝時研種
留河東守龐西塞於是徙留河等於狄道安故及武帝
西逐諸羗及渡河湟築令居塞始置護羗校尉從爰劔
種五世至研研最豪健以研為種號十三世至燒當復
豪健其子孫更以燒當為種漢良者燒當之玄孫號時
王莽末四夷內侵及莽敗眾羗還據西海光武之世以
牛邯為護羗校尉即此地也及燒當至漢良世居河北
大允谷種卜人貧而先零卑湍並皆強富數侵犯之漢

良父子積怨從大榆中入掩擊先零卑湍大破之掠取財畜奪居其地大榆中由是始強滇良死子滇吾立部落轉盛常雄諸羌在晉內附以其地屬汶山郡宋齊亦得之後為西魏所有焉魏書鄧至傳王像舒治者並白水羗也常為寇豪自稱鄧至王其子舒彭遣使內附拜龍驤將軍益州刺史甘松縣開國子鄧至王請以封爵授子彭廆高祖許之拜廆建忠將軍甘松縣開國子即為小藩朝貢相繼閩中亂乃絕後魏末平鄧至蕃始統有其地後周保定五年於此置龍涸防天和元年改置扶州領龍涸郡隨初廢州郡以其地併入汶山同昌二

郡唐武德元年置松州貞觀二年置都督府松踞懿嵯澗隣雅聚可遠奉嚴諾我彭軌盡直肆任玉章祐臺橋序等二十五羈縻州永徽之後生羌相繼服叛不常儀鳳二年復加整比督文扶當柘靜翼六州都督羈縻州州劔州拔那州祀州昆州河州幹州瓊州屏州柘州龜州信州如州麻州霸州爛州光州至涼州蠶州星州梨州邏州思帝州耽州戎州統州穀印州樂宕州達達州卑州慈州凡三十一州據天寶之載薄松州都督府督一百四州其二十五州有額戶口頗多但羈縻逃散餘七十九州皆生羌部落或臣或否無州縣戶口矣天寶

初改松州為交州郡乾元初復為松州按貞觀之時分
十道松文扶當悉拓靜等州屬隴右道永徽之後割屬
劔南道也○寰宇記云松州治嘉城縣按嘉城縣即後
魏白水羗像舒治所據也其子舒彭遣使朝貢拜龍驤
將軍始置甘泉縣矣後周之龍涸防及改置扶州皆治
於此隋曰嘉城唐曰嘉城則為松州之所治也○志云
甘松嶺在街西北三百里州以此名按山海經云甘松
嶺亦謂之松葉嶺即江水發源於此土人謂之松子嶺
也又有石門水自龍州石門山連亘經郡界合江故曰
石門水矣○寰宇記曰松州屬縣有平康交川按平康

縣屬晉汶川郡隋屬會州後廢唐垂拱元年割交川及
當州通軌翼斜三縣置平康縣屬當州○交川縣後周
天和中置隋屬會州唐改屬當州志云平康交川二廢
縣俱在街治西○通志曰潘州者唐廣德初年松州陷
於吐蕃五代諸羗各據其地宋崇寧取邦潘疊三州初
屬吐蕃首領潘羅支此潘州之名所由起也元屬吐蕃
宣慰司國初洪武十一年御史大夫平羗將軍丁玉克
復其地設松州潘州二衛後併為松潘衛鎮守茲土者
二十年後復改松潘等處軍民指揮使司隸四川都司
屬川西道鎮守禦千戶所曰小河安撫司四曰八郎曰

麻光匣曰阿角曰芒角志云八郎山在衛北三十里山下為八郎安撫司也長官司十七曰占藏先結曰蠟匣曰白馬路曰山洞曰阿昔曰白定曰麥匣曰者多曰牟力結曰班班曰祈命曰勒都曰色藏曰上阿昔曰恩囊光曰阿用曰潘幹寨各降符印列為守土馬復主番僧二人為國師曰高巴曰緙領二人為禪師曰黎巴曰完卜亦皆佩銀章也○西邊記云國師高巴佛教也禪師黎巴道教也其寺觀散居寨落以主化導番夷丁大夫時設鑄金銀錠有足或無足者賞給諸番番呼曰丁大夫實重五六兩者番價值三五十兩其象有一二錠遂

名為財主錠發夜光稱神異矣○龍洞志云男曰安達女曰白麻多種青稞圓根好用羶羊麥粉宋史云松蕃之俗日耕野壑夜宿碉房刻木契以成交易炙羊膾以斷吉凶人精悍善戰鬥也○志曰其地廣六百七十里袤千六十里編戶通二十一里東至龍州界一百九十里西至牟力結吐蕃草地界四百八十里南至疊溪守禦千戶所界二百里北至陝州洮州衛界八百六十里距成都七百六十里雪嶺面於東洮河界其西雪嶺其色如銀俗呼為寶頂山巖崖路險人跡罕到即老杜所稱松州雪嶺東也洮河發源岷山北流入陝為臨洮府

南入川與江漢會矣。○三邊志曰金蓮山在東南五里。卷金蓮者居之山下石崖鑄永泉二字。正統初都督李安以劔斫崖而得二水亦名文武水。○紅花牛心二山各去衛十五里峯巒圓秀者牛心也紅花有屯田是名紅花屯矣又東四十里為火鼓山山無草木其色如赭。○志云城西有大悲寺唐天寶間僧智廣所創也國初設僧綱司以僧惠心為都綱掌其事景泰改元吐蕃猖獗累欲發兵勦討嗣都綱智中往撫諭之番乃草心向化事聞陞智中為崇化禪師賜以銀印冠帽袈裟藏經之屬智中浙之仁和人姓姜氏別沛一天。○赤松觀在

古松之南世傳三皇時雨師隨風雨上下莫知其跡於此地飛昇後人立祠焉元鼎失馭兵燹之餘其跡尚存開國已卯錢塘羽士顧道昇來棲於此游神清淨人向往之於是觀宇為之一新落成道昇詣蜀獻王請顯時荆南道士劉虛舟進赤松子畫像及申誠經正展覽間而道昇適至王偉其誠遂命教授張景辰隸古赤松觀四字及所進經像以歸道昇復於後殿築臺皇閣金碧輝煌殆與雪山相掩映也。○四夷考云宣德二年松潘千戶錢宏聞有交趾之役悍於遠征乃誘蠻族入寇詩張奏報得留不遣蠻自是煽惑攻圍城堡調官軍五千

討之至威州黃土鋪失利道遂不通三年命總兵都督
陳懷等帥西軍四萬由洮州入松潘解圍循弗克靖八
年復調川貴官軍協力後事始克成功正統四年都指
揮趙標誘執蠻酋國師商巴以犯邊聞遣都督李安征
之尋誅諫誣妄蠻乃服然猶二三十年間始設松潘巡
撫都御史一員以都御史寇深及侍郎羅綺相繼臨之
咸有成績倚遷京提督文臣不復更置但以備兵使者
整飭之而已天順五年蠻絕我糧道入龍安石泉等處
成化十三年勢益猖獗復救撫臣張瓚調漢土官兵五
萬由東南二路分進勦滅白羊鎮鴉飲溪等二十一寨斬
蠻首級四百餘顆於是商巴等二十六族詣軍門獻馬
納款各諭以利害遣之十四年正月復攻黃頭復水
諸寨前後殺獲男婦七百餘人赍其碉房九百墜崖死
者不可勝計亦一大創矣弘治間跳梁如故南路梗阻
正德二年副總兵楊宏誘殺緡嶺寺國師雪郎王出自
後本寺小宛卜等動稱報仇松城之外不敢晝牧嘉靖
十一年勅副總兵何卿未節制諸軍相機勦討烏都等
十一寨皆次第平而詣軍門送款者日至矣卿家視松
州諸所繕緝百廢俱興藩籬以固兵威亦震百蠻喘息
不敢動垂五十年來生齒日繁復萌叛心時出殺人剽

掠行旅萬曆八年兵使者楊一桂是以有三寨之役又
雪山國師喇嘛等四十八寨勾連為患邊氓屢及十四
年都御史徐元泰是以有會勒之役及丙申九月初高
敵騎突由寒野黃勝草場分道馳入圍漳臘守備張良
賢率兵破之斬首六級又攻鎮邊百戶杜世仁死戰斬
首四級得保全世仁死焉又攻利邊臺前後斬首十
一級敵遁去良賢追至思答弄又大破之斬首十六級
敵乃失利去初敵之去也襲我無備偵者不知其數及
遁去巡視營壘不下五千餘灶未幾有番婦逃回言所
斬首級中有大落赤之姓小王子在焉敵以此必欲報

雙營故昔之松潘重禦蠻今之松潘重禦北美○四夷考
曰松潘西至流沙關相連天竺西南達紅土坡生番多
係北方出沒地勢遠絕非可限域惟是南通臺茂威灌
東通小河龍安北通漳臘整臺守禦凡八十七所戍守
主客官軍舍餘遊兵一萬一千六百八十餘人歲額坐
邊倉一十六處糧九萬九千三百八十餘石而增設之
處不與焉○東路經卷志云松潘以東望山關雪欄關
風洞關松林堡紅崖關三舍堡鎮遠堡小關子堡松了
堡三路堡師家堡四望堡凡十二處抵小河千戶所四
崖絕壁一線之逼附近水牛毛公羊洞諸番未甚鴛獮

今以三舍關為始第其里次○三舍者去衛成九十里而遠也為小河通中地有把守指揮一員管轄上至望山下至四望共十三關堡羊腸羊徑峭壁危湍嶮巖萬狀番夷往往潛伏而窺伺焉三舍上十里為伏羗堡伏羗上十里為紅崖關紅崖上十五里為松林堡志云黑松林關在治東七十里松林上九里為風洞關志云風洞關在治東五十里洞深不可測多惡風午輒作大作則灰沙蔽天人馬皆辟易寒氣襲人觸之多橫死否亦喘息旬日蓋山嵐鬱蒸之氣所發也關北鹽井塹即古鹽川廢縣風洞上五里為雪欄關志云治東三十里雪

欄山四時積雪不消俗呼為寶頂山關在山下雪欄上十二里為望山關關上八里即松州也三舍下十里為鎮遠堡鎮遠下八里為小關堡志云小關子在治東百二十里小關下八里為松壩堡松壩七里為三路堡三路下八里為師家堡師家下八里為四望堡又二里為小河所矣○南路經畧志云松潘以南紅花屯熊楨屯西寧關小屯堡安化關鎮華堡新塘關艾蒿堡歸化關北定關蒲江關平夷堡金瓶堡鎮平堡鎮番堡靖夷堡平定堡凡十七處○抵壘溪界○四夷考曰南路自西寧關起以至平定堡河東大姓屬牛毛土官管轄河西小

姓屬羊毛土官管轄即志所謂牛腦羊腦也不服冠帶不受約束喜則同部落席地歡飲怒則持刃彼此相擊尊卑之序蕩然矣萬曆初年河東頗肆憑陵十四年征之搗其巢穴斬首二千餘級焚碉房千餘座始傾心向化埋奴誓願認守地方迄今不敢犯河西恃有長江之阻逆我文告其時亦震懼移遁深箐隔岸羅拜乞降許之有國師喇嘛灣仲者潛獻皮幣於土韃乞師伏於錢鑪潭以牽制我乘便邀擊事覺就擒其謀始破而膽落也○歸化閩志云在西南百里寰宇記霸州有歸化縣置在移村各有部落主持無徵科務雖失故處而閩

名實因之地形險要上至西寧下至鎮江閩堡凡九把守指揮一員以龍溪等寨大小橫梁為諸番所出沒也歸化上七里為龍韃堡龍韃上十里為新閩鎮新鎮上十里為百勝堡百勝上五里為安化閩安化上七里為雲屯堡雲屯上八里為西寧閩志云在治南三十里西寧上八里為雄溪屯則南路之首也鐵鑪潭諸夷在其界也○歸化下十二里為北定閩志云北定閩有祠祀二邊史劉芳五將正德六年番僧雪欄王出謀為不軌守將指揮邊輔史寬百戶劉賢方捷櫻鋒死戰輔寬遇害於黃土坡賢捷被執至寨縛柱將剖其心二將罵不

絕口而亡。事聞，與子孫進一級。承襲輔弟輪，承兄職。嘉
靖七年，巡南路至北定關，遇橫梁茹兒等番，輪率其僕
邊永興、軍餘史卜、匝等數人與戰，已取勝，值天雨溪泛，
諸番四集，輪被傷，永興負輪行數十步，至崖不能進，執
刃亂揮，知不可支，乃伏於輪身，主僕俱被害。事聞，贈輪
都指揮僉事，永興百戶。史卜、匝等俱厚賚優恤焉。北定
下十有一里為鎮，江關別拓大小耳別等寨在其界內。
寰宇記云：歸化縣有大聲山、小聲山，在霸州西北一十
里，非符堅城。又云於小龍山上村置牙利縣，或即大小
耳之故蹟也。鎮江下四里為平番堡，平番下八里為平

夷堡，其地寬平，僅容千騎，為四十八寨，飲盟揮血之地，
即黃沙壩矣。萬曆十四年，建成堡，設守備一員，把總練
兵官一員，管轄自西寧關至平定堡焉。鎮平關上七里
為金瓶堡，金瓶上六里為平夫堡，鎮平下七里為鎮番
堡，鎮番下八里為靖夷堡，靖夷下八里即平定堡也。平
定下八里為永鎮堡，係松茂二鎮交界處，鎮平堡則指
揮一員守之。○北路經畧志云：松潘以北，穀粟屯高屯，
子羊裕屯，唐舍屯，譚廓屯，漳臘屯以上，凡七堡，抵吐蕃
洮河界。○四夷考云：漳臘堡設在河東，去城三十八里，
松州之背也。舊制駐紮守備一員，管轄上下關堡為塞。

盼口上中潘州上下羊洞等隘口自漳臘北去遼廓幽
遠一望無際蓋萬騎可從容矣近改設遊擊一員以鎮
壓之良審所重也漳臘上十五里為鎮虜堡在河東元
山子上志云堡在漳臘東北十里堡後天險壑堡前觀
化壑河東于襄臺河西制虜臺聲勢相望然直北為敵
貢壩舊掘兵字賺坑數百中置鋒刃木簽口覆芭土以
掩其形又北去三里曰城牆岩東臨河畔西抵山麓掘
壕寬深丈許橫截六百餘丈明新彼路河西川盼溝壕
壑之制亦如之越溝二十里登阿玉嶺之嶺可瞰黃勝
草場志云黃勝在漳臘西南十里也場之東有阿玉口

凡二十里透嶺出川盼則可南可北惟所馳驅議者於
天險觀化二壑元拓寬廣石砌牆垣一週外掘壕壑以
防衝突亦庶幾極其吭云鎮虜堡上二十里之柏木橋
即界外矣○漳臘下七里為紅橋閣係松城北隘志云
松州北二十里有落紅橋長二十丈饒道所必經也館
橋下七里為譚廓屯譚廓下七里為塘舍屯塘舍下六
里為羊裕屯羊裕下六里即松城又紅橋下八里為高
屯子高屯下七里為穀粟屯穀粟下十里亦即松城也
離松十四里為流沙關乃北方經由地每秋防必加意
焉松城下五里為紅花屯紅花下七里為雄溪屯雄溪

左十三里為東勝堡歲熟番受賞可稱無事惟是虹橋西北十五里為絕塞整北界黃山尖殺鹿塘黃勝草場等處路通洮岷先年陳懷率兵由此道入解松圍今為番人間阻以其往來射獵於斯也下潘州白利等番挾牛車糧糗來或由阿玉嶺或由鐵門壑出抵寒盼祈命諸寨貿易茶觔歲以為常稍失防範警端輒起且阻絕長溝救援難及形勢孤懸所最當籌度議者於整前石砌聯城一座直抵河下以通水道又依山掘壕絕其乘高則於覆壓字何有○古蹟志云潘州故城在衛北屯百五十里漢武帝時逐諸羌渡河湟居寨外築此城置

護羌校尉以禦之宋時分上下中潘三州今阿失寨即上潘州班班寨即下潘州界二州之間則中潘州也其地愈北山愈平夷蓋漳臘之設在下潘州○侍郎羅綺漳臘新記云距松衛治之北百里曰漳臘即中潘州也城之故址尚在其下有竅穴空洞幽邃廣可容列騎深亦不知孰許旁有玻璃泉冬夏涸然不涸其土地膏腴山川秀麗蓋自唐盛時所開拓雖隸陝圖而吐蕃酋長猶然竊據所謂但羈縻之而已洪武十一年王師始下潘州入與編民賦役無殊乃於其地建置屯堡使士卒且耕且守累數十年足食足兵邊人安堵宣德丁未守

將失馭氐羗蜂起梗我餉道焚我閩塞而潘州復為所據者凡二十有八年景泰辛未予奉命來鎮茲土不揣愚敏平復之乃大集諸酋陳以逆順禍福無不稽顙聽命於是復增置城池樓櫓凡戰守之具視昔有加焉不殫一石之粟不勞一人之力而數十百頃沃饒之地遂復為我有又晏然置城於其間俾兵農雜居累歲豐稔邊人安枕實朝廷威德所及予何功之與焉或者以潘州之城興唐世籌邊樓相頡頏後先予亦豈敢多讓景泰六年記○曾學佺曰今之漳臘去松州一舍而遠非百里外之漳臘矣前張後弛勢使然也予以庚戌署藩

司事科松邊兵食聞韃靼住牧於漳臘城內有百五六十帳殊賊聽聞乃檄漳臘遊擊何奮武得回牒云謹按漳臘一鎮五隘九屯一十八壑堡延袤二百餘里襟帶山河雜居韃靼所由來矣前不具論萬曆二十四年大落未入境彼時內有守備張良賢救應以截其鋒外有合壩犄角以牽其勢雖敵眾攻圍鎮堡三晝夜而不能破於時掌堡百戶杜世仁也豈異人任而其父子督軍兵數百人乃能射死小王子斬首數十級松漳卒賴以無事而合壩遂因之任牧焉續在三十二年廢將李宗望代庖漳臘又有合兒頭奪咱毛兒損等韃接踵投后

會治兵使者亦署官也侈然有張代之意輒撫賞安插
牛馬羊隻布滿山溪毛帳擅房呈列草地猶肘腋間眠
虎豹門庭內衽戈矛逐之恐鸞端自此發也聽之恐禍
本無所終也被其往來漳松之間豈惟共我水草利我
鹽茶凡倉庫之虛實軍兵之強弱道路之衝要無不盡
知萬一生心何以禦而禦之惟是高屯堡者在虹橋之
內禦寇之下譚廓之西正適中要地實乃松鎮以北之
藩屏也議設把守一員撥唐順等軍五十名以耀威武
而望嘔其吭焉誠為長策矣第當辰築屯塞寬包隙壩
貫路於中不惟容眾且可據險緣由到司覆看得松潘

者蜀西之門戶漳臘者松潘之咽喉也自土韃合壩合
免頓等任牧其中房樞密比以百五六十計其馴擾也
無常其主心也必異豈非他日之隱憂哉昔者隋唐
之禍可鑒也但既來之則安之可以理而喻也方來
者所當拒可以勢而禁也惟是漳臘之鎮虜堡原設
把守一員地方遼濶勢本孤懸今且伏戎在內萬一
有變聲息不相聞何暇左右顧議者以高屯堡要害之
處添設把守以遏其衝且與漳臘為犄角設策之善者
也該堡事務仍令本官兼攝如視軍兵即在各營抽選
亦無所糜費矣若夫整行伍除戎器綢繆未雨有備無